

咸同貴州軍事史

第五冊

咸同貴州軍事史

貴陽 凌惕安 編著

第二編 漢族之運動下

第四十四章 李文茂之役

太平軍別遣隊

陷錦屏鄉

田興恕援黔

咸豐八年戊午八五八八秋七月太平軍別遣隊平靖王李文茂及其衆黃金亮自廣西柳州敗入黔二十一日陷錦屏鄉逼黎平府貴東道何冠英等設守文茂分兵牽湖南同知兆琛軍於中朝青龍嶺不能援兆軍者湖南援黔之軍也 九月文茂等趨攻黎平九洞四十八寨苗乘之湘軍潰青龍嶺大坡脚兆琛退入城湖南復以副將田興恕援黔軍至黎平西南五十里之潭溪司二十二日興恕率兵二百入城明日毀附城文茂營九旋回 十一月黃金亮等進破爛土分道取獨山至涼亭獨山知州侯雲沂以大塘守備龍建極合團衆禦擊雲沂駐基場策應金亮旋出荔波巴容徭六至水工生員邱育泉三洞千總莫芝茂不支遂至水徭荔波縣知縣吳德容却之已復至

水慶破荔波練團軍功黃坤泰黃玉龍陣亡仍擊潰水獠潰軍至大
坳坡 十二月黃金亮等圖荔波城吳德容退守以都司汪文鈞莫
芝茂出禦金亮回水慶

咸豐九年

己未 一八五九

春正月龍建極約署三脚州同吳兆麟及團衆

合擊獨山東甲照山金亮潰走牛場又遣團擊巴佑爛土文茂部悉
走荔波攻敢務團建極移營州東水巖塘鼠場馬場金亮等據如故
十月吳德容遣兵防敵於大造坡黃金亮先攻荔波縣城敗去至
是復合莫芝茂等猶攻過克陋卡不下

咸豐十年

庚申 一八六〇

春三月金亮等間圖荔邊二十餘里之牛洞吳

德容遣外委汪洪春馳防廣西南丹州土知州莫樹棠復祈援於雲
沂二十四日李文茂趨獨山齋教教首羅光明實導之分黨牽制翁
奇徑由石板井獅子山至深河潰堯封壩團於中山寺侯雲沂飛檄
龍建極吳兆麟把總吳善周及諸團赴援皆潰還文茂遂薄城雲沂
嬰城守上書巡撫曰攻城五日外援既竭內應亦不能出城中火器

文茂悉衆走荔波

攻荔波不下

侯雲沂之激昂

獨山州之陷

侯雲沂巷戰死

闔家皆殉

皆盡惟激勸紳民悉力捍禦分赴鄉村收輯團勇倘能一戰圍解星
飛馳報否則內外隔絕文報不通城存與存城亡與亡決不敢稍萌
他念上負國恩 秋七月初二日李文茂時稱理天御攻陷獨山州城署
都勻府知府兼獨山州知州侯雲沂死之署守備威甯都司龍建極
署三脚州同吳兆麟學正張鏗訓導劉炳藜署荔波縣訓導白珩吏
目徐景程把總吳善周職員廖開先廖景燦等同沒雲沂自軍事初
起卽在州聯團防禦以死誓守先一日猶遣練縋城出擊陣沒軍功
覃廷魁等俄地雷發轟陷小東門雲沂等督石工過圯處隨築隨拒
文茂軍已由北門攻入雲沂等皆巷戰死雲沂妾喬子克善克義克
和克禧克嗣子婦劉高已嫁女適顧未嫁女四孫男女四姪從九品
敦惠敦葆餘親眷及家丁僕婢凡五十餘人皆殉署左地內文茂據
城中苗教乘勢破翁奇分據苗翁四方井相犄角 九月李文茂四
出侵略團衆數卻之時以魯祖芳代理知州因聯團偏州城文茂復
分略荔波羊奉方村吳德容遊擊范定邦莫芝茂及團衆卻之十月

文茂圖走合定番大隊不得

走廣西南丹州去

附錄

李世鈞獨山城陷紀事詩

初八日獨山苗教分攻爛土翁奇團應文茂文茂亦破苗班營圖方
村拉旺 十一月李文茂出三脚寨攻丙里圖走合定番大隊魯祖
芳檄各團馳援截之仍却回十一日李文茂西南走上下司入南丹
州去十三日魯祖芳莫芝茂等入城

附錄

李世鈞東屏山館詩鈔咸豐庚申七月初二日獨山城陷紀事
云紛紛羽檄馳東北疑是從天來髮賊風颯雨驟追吾邦邦人
聞風皆失色維時兵事尙茫然執戈銳士強直前共道殲除同
小醜不知惡醖可彌天重關迭戰告危艱虎狼過處胥流血長
驅萬騎薄孤城四面合圍陣成列龍場市上屋排雲首踞爲巢
肆惡氛撻金伐鼓晝復夜亂我不識意何云守陴人士誓完保
恨無預測鰲翻道七日功成掘子軍霹靂一聲城垣倒別架雲
梯翻越來目中已視無城堡憑陵殺氣更誰當人人思作先逃
去六門頃刻煙塵生虜騎紛擁勢縱橫騰騰殺氣閔天黑倉皇

弔萬人塚詩

侯雲沂事略

雞犬亦哀鳴尋生尋死苦無地刈同草菅惟賊意慘劫無分咫尺間屍骨須臾伏如山凶鋒聚處號神鬼驅全骨肉曾有幾可憐數萬舊生靈塗炭一朝命同蟻從此道途遍荆榛草間狐兔亦逼人間有遺孑干戈裏敢望後來春復春嗚呼吾鄉人民從此半摧折生齒至今尙殘缺相逢耆舊話滄桑簌簌忍將前事說君不見南城門外鼓樓岡纍纍高塚皆兵殤春秋不辨果誰是萬家猶祀於一場

又弔萬人塚云鬱鬱城南一古岡烏啼啞啞恨難忘青榛白草縈荒隴短碣高碑紀昔殤百族餘悲如共患一城最苦及偕亡我來話到茫茫劫淅瀝蕭風生白楊

侯雲沂字縵卿江蘇上元人以知縣來黔賦性純摯宅心仁厚故勤政而愛民知獨山州時值大難日棘與地方人士共圖守禦尤能開誠布公同甘共苦爲人民所愛戴危局獨撐數化險爲夷其時獨山團練名震遐邇爲敵所畏憚雲沂提挈之力也

方事之急或勸豫爲妻子地以防萬一雲沂曰是啓人民之驚惶而懈其守志也人心浮動敵乘之矣吾守土有責誓城存與存城亡與亡吾辦一死以報國家以對百姓吾妻吾子亦各以一死以報其夫以報其父各全其節可也聞者爲之感泣城陷闔門殉焉州人某有血性於城陷時倉皇救護雲沂幼子敘五以逃冀延其宗祀亦可哀矣

第四十五章 曾廣依之役

石達開別途發展

咸豐十年庚申八六○太平軍翼王石達開鑒於韋楊之難乃思別途

銳意圖黔

發展由皖入桂遣將分徇黔湘以入川其入湘邊者傷亡略盡桂亦不足自存因銳意圖黔夏四月初四日所部曾廣依等自廣西泗

卒至興義縣
逼府城

城府走西林縣西隆州渡紅水江卒至興義縣分黨至邕皓逼府城執廩生徐謙問城中情形謙不以告因怒束以帛澆油然之興義府知府鄭訓達以都司德壽精額哩守河棒營自真武山回援德壽等走回廣依旋走貞豐十六日攻陷五里岡代辦長壩營游擊梁獻廷

薄貞豐州城

永甯州之陷
胡繼學力戰死

廣順州之陷

但鍾良闔家同殉

戰死千總阮登雲把總張禧祚監生譚功遠同沒兵練團衆死者千餘人直薄州城十七日入東月城貞豐州知州蔣立炳率紳民嬰城力拒廣依攻數日去由石屯入歸化播東團衆皆潰遂薄城下署通判蘇布及護遊擊高鳳臨拒守先是石部自廣西百色廳敗後無所歸現因廣依自泗城府走西林縣西隆州滂紅水江得徑出興義自後所部絡繹來悉取道貞豐 五月廣依自貞豐圖永甯州署知州胡繼學聞警盤江橋調練未集以百餘人馳至沙灣力戰死遂陷永甯黃菓樹防軍望風走安順府知府周夔會提標中軍全興敗之竹英哨退走永甯東三十五里之壩陵橋據馬跑泉夔等進據大坡初五日廣依等自歸化走廣順將至代理廣順知州史悠洋出防土地關州無城郭依間道入陷之丁憂在籍翰林院檢討但鍾良第六品銜知縣但蔭良堂弟但欽良勤良均被執不從死男女同沒者百三十五人提督巴揚阿始檄游擊賀萬年馮世興以千八百人徑廣興鎮來援十一日入州城廣依等分道西走安順五官屯北走安平飯

歸化廳之陷

周夔全興陣沒

龍鋪陷護城團營生員黃金鏞陣沒再陷大河十三寨東走定番署知州恩常都司善保力禦之巴揚阿復遣萬年等邀之牛場依等由擺榜至大塘望城關署州判李崑城守乞援獨山知州侯雲沂遣牙州把總劉正朝馳赴依等旋退播翁趨羅斛州之董熙董熙細十二日依等陷歸化廳城署通判蘇布死之眷屬皆殉守備高鳳臨把總謝君實周兆奎高飛鵬及紳楊金榜熊開祥鄭文炳羅廷蕙生員堯啓福周魯堂同沒石部自興義來黔者猶絡繹不絕十三日周夔復永甯州城夔聞永甯陷亟攻下馬跑泉敗之保關進至象鼻嶺依等走打榜渡河折由募役司逼鎮甯州城募役司巡檢馬世臣死之鄉團多營屯避二十日署安順府知府周夔提標中軍全興擊廣依等於歸化陣沒夔全興由永甯疾馳至歸化十五里之連升關營甫定依等集合圍攻故敗把總張起發等同沒先是夔等遇依等竹英哨夔隊長田某卓大旗而前旗標田字依素憚提督田興恕謂其自來遽走夔等遂易之是日大雨或阻其行不聽至關遂散漫無整依等亦

復入廣順

定番州之陷

恩常善寶力戰死

漸聞非是悉衆來故全軍幾盡依等修歸化城垣徵民糧分由九旗
合廣順部圖定番青巖巡撫劉源灝檄普安廳同知葉如松署安順
府圖剿 六月廣依等連日走攻定番州分圖青巖迤南而東略近
龍里貴定平伐巴揚阿馳赴青巖同團首候選知縣趙國澍等拒之
遣都司王萬祥防龍里龍貴團多潰萬祥及署龍里知縣王藻入守
廣依所部多集大壩羊場 廣依部在歸化乏糧且多疾棄城走駝
魯枝尖坡哨 十一日復入廣順州城據之分攻定番長寨劉源灝
檄葉如松赴援不至 依攻定番十三日團首羅德光等入城會署
永安協鄂清遣守備易飛熊宋景山復至爭入德光等以無文憑給
以糧登城拒之飛熊等旋攻入難民多被淫掠 二十三日廣依陷
定番州城署知州恩常署定廣協善寶死之依等初掘地道恩常等
灌破之伏地雷墮城遂入恩常善寶巷戰死學正何廷杰署都司周
崑署吏目陳秉鈞署存城千總唐德署斷杉千總董應忠威遠把總
王飛豹署青巖姚廷標署方番把總劉朝貴署外委歐陽標皆遇害

逼省城

長寨廳之陷

田興恕至省

秉鈞妻蔣并僕婢殉於署時巴揚阿以憂回省檄王萬祥自青巖會馮世興等援 八月定番廣依部圍攻巴揚阿營於北距青巖十里長田劉源灝數檄葉如松援省至則同退青巖王萬祥賀萬年援至亦敗退桐木嶺源灝檄李崑等助防不進旋咨巴揚阿曰風聞該兵練自退青巖屢趣出防不惟逗遛不前竟敢於青巖附近搶割田谷本以救民而反以殃民言之殊堪髮指 適廣依部逼省城劉源灝趣興恕近援興恕適復甕安縣城因部署一切自率副將楊巖保等二千餘人赴省 二十三日會廣依陷長寨廳城署同知劉宗元署把總吳文彪死之廣依自定番出赤土長田屢攻青巖城趙國澍等拒守遂出三都趨長寨副將賈連升長寨營參將蹇謙遁邕陽宗元嬰城守依等擲火攻入西城宗元回署坐大堂大罵而死生員方文炳等遇害富謙連升皆褫職 二十八日田興恕至省城近省事方劇民心爲之稍安興恕圖先規定番獨山再剿平麻并分軍出遵義進湄龍 十二月田興恕將率軍圖定番遣副將李有恆先期進安

義鎮趙德昌亦遣畢赤營游擊譔永昌以九百人赴廣順廣依等潰
廣順宗角汛防練旋圍永昌及游擊徐遇恩營於海馬塘游擊陳銘
勳方以八百人至州南鹽井援却之德昌率千餘人馳至巴茅哨應
興恕

咸豐十一年

辛酉

八六一

春正月田興恕至青巖檄副將周學桂等攻

定番城檄候選同知直隸州趙國澍緝斬奸商錚鹽濟廣依部者初
四日地雷發城圯數丈依等完守力拒不克會有內訌初九日學桂
等乘大霧薄城定番州城復初十日吳永昌譔永昌廣順州知州趙
煦等分攻長寨廣依聞定番破無守志於次日夜走長寨廳城復興
恕檄學桂移攻土地關關南間道可達安順預檄趙德昌派隊超赴
安順遇依等西走十三日廣依至安順舊州學桂等由曾周馬場馳
擊至車頭與楊巖保及參將毛克寬軍於大水橋疏安順糧道二十
日營甫定依等遽至克寬迎戰擊殺數十人俄馬中礮仆克寬徒步
戰沒軍大敗巖保等棄輜重退守安平依等圍攻縣城學桂等聞警

薄安順府城

間道走平遠

薄畢節幾陷

自車頭馳援廣依等不虞軍至遽退走舊州去安平圍解 二月初六日歸化仲家葉桂林以衆附會廣依部自舊州薄府城趙德昌先馳至遣譔永昌等營城外鳳凰山金鍾山都司顧鴻營五官屯自與葉如松城守依等分攻各營勢頗張適周學桂楊巖保等繼至擊之依退走西北薄定南汛城德昌先遣汛把總熊啓鵬回拒守依等營五岔口旋間道走平遠以那戛北渡三岔河據豬場虎場學桂等躡擊敗之平遠渡六歸河走薄畢節縣城幾陷李有恆自峯頂山回守人心稍定依等據城東梓潼關 初九日田興恕以都勻副將周學桂及楊巖保自大定進援畢節至歸化塘時依等方據附城東南民房穴地實火藥其中每穴將成輒有難民走告李有恆尋霑營千總高應選調得其處引水灌之城中復鑿穴或相佐練與依部相詈而罷依等益環攻樵蘇俱絕決響水灘三道溝斷汲道天輒雨有恆等聞學桂至約前後合擊十六日學桂進望城坡戰不利卻回頭鋪橋依分出軍後截之學桂等力戰三時不得出會巖保與守備田興發

欽定四庫全書

欽定四庫全書

圍畢節七十餘日

依部降四百人

援至引還兵勇沒者數百人復期有恆以二十五日再進時廣依等焚梓潼關圍益急學桂因鑒前敗遣都司莫金標守營參將王萬祥扼歸化橋防軍後自與巖保游擊熊俊進攻牛場橋毀依部所設柵初團民樹柵橋上頗堅依部至委棄依部據柵扼守屢攻不克至是始破頗披靡學桂俊追至松樹灣軍後忽爲苗衆截斷戰殊劇學桂重創突圍出歸逾日卒俊馳突不得出墮牛場河死兵練死亡頗衆學桂俊所擊殺亦相當是時有恆亦出軍力擊以敵力拒卒不能與學桂軍會興恕復遣總兵吳安康來援 四月畢節圍久十八日雲南尋霑營千總高應選中槍沒有恆再約楊巖保等合攻 五月畢節圍七十餘日不能下寢懈依部有張遇恩者觀兵城外中礮斃所部降者四百人李有恆令薙髮編伍軍南門外當前敵終於疑慮內潰十二日悉走黔西新場畢節圍解有恆及巖保等火其營吳安康方至大定有恆毀東南民房略盡 七月楊巖保等追擊廣依等於黔西新場分走溫水汛一入四川江津一走遵仁界之牛渡灘桐梓

吳安康迫依部出境

復自綦江敗入桐梓

攻遵義府城

蹇儀軒勸修外城保全耆衆

劉嶽昭來援

薄黔西州城

團首黃仕昌禦擊敗死依部旋入綦江嚴保及吳安康副將周洪順
梁正秀各率軍先後至桐梓次松坎遏守 冬十月吳安康壓迫廣
依部出境

同治元年

壬戌 八六二

閏八月曾廣依復自四川敗由綦江入桐梓擊

潰九壩團衆徑逼縣城旋去由婁山關長趨至板橋半留遵義半間
道鴨溪走黔西正安州知州于鍾岳馳入遵義檄舉人張師敬分扼
大龍山紅花岡把總鄔德全扼董公寺于鍾岳扼玉屏山并約副將
全祖凱自南鄉趨馬坎關邀擊 十四日依等大至德全潰退湘山
寺二十日遂攻城遵義府知府李德莪及護協李秉皋等分守內外
城初遵義故無外城八年紳民蹇儀軒等倡捐勸修與內城僅一河
隅十年始葺事至是外城民居得無恙保全者衆于鍾岳督諸軍力
禦依等退據附城鄉村所部猶絡繹趨板橋樸老場逼綏陽四川總
督駱秉章方奏遣雲南按察使劉嶽昭同游擊熊煥章吳安康來援
廣依部薄黔西州城署知州汪維翰集團練力守依等出入各鄉

至綏陽

李愈南被圍

散漫四走

毛口河傷亡頗衆
餘走雲南去

附錄

莫庭芝胡繼學墓誌銘

村寨趨大定大定府知府曹煥祈援李有恆二十七日有恆率軍至副將沈宏富先奉檄援黔西亦同日至秋九月廣依至綏陽署知縣李愈南及都司廖熙麟以五百人禦之貓貓垵被圍于鍾岳遣軍馳援始解仍迤赴黔西宏富敗之李有恆扼之大定然所部半四川游練土賊假翼王石達開幟計惟剽掠所至輒潰至是全祖凱復由遵義迤追至大定黔西間多奔總已河間道分走水城平遠旋薄郎岱廳城不得志至毛口河會李崑自永甯走援郎岱遂乘虛蔓入州境崑回擊追敗之李有恆亦遣軍自畢節來援值方渡河半濟擊之傷亡頗衆餘走雲南入霑益州去

附錄

莫庭芝胡繼學墓誌銘云公諱繼學字芝庭安徽省銅陵縣人曾祖國棋祖鏞父楷道光二十四年隨伯父台銅仁縣任受庭訓仕黔補普安廳照磨丁父憂奏留軍營咸豐三年前州牧徐正鰲以父執召公平永普茶夷服闋署貴陽府經八年周觀察

竹樓知安順府延公辦理軍務戡河頭寨公致書永紳王世楷
示夷匪以德威駐兵黃葛樹通大路疊著戰功夷民粗安保升
府經縣丞賞戴六品藍翎十年三月周觀察薦權州篆五月初
四日髮逆石大開僞將禮天玉等十數萬寇盤江偕趙守戎率
師禦之賊衆兵單公嘆曰吾事畢矣趙君速公回州謝曰兄差
矣彼此堂皇禦寇永無城盤江爲隘舍此則糜爛葑屋何面目
見查城父老寧死守此兄請便託告家人老母送省遂單騎馳
驅叱咤力戰陣亡沙灣板樞樹下初五日城破公長子日新姪
子日宣均遇寇不屈死事聞於朝奉上諭代理永甯州事候補
府經歷縣丞胡繼學督師進剿力戰陣亡情殊可憫著從優加
贈鑾儀衛經歷銜照守衛所千總陣亡並照四品官例世襲雲
騎尉三代給予恩騎尉世襲罔替以慰忠魂欽此公生於嘉慶
丁丑年二月初七日死事時年四十有四城復永人葬公父子
象鼻嶺崇祀昭忠介第銘學仕鄂次子文昕文曜文暉文昶分